

# سالنامه عايد ايضاعات

سالنامه نومروسی : ۱۳۴۱ سنه سی ایلولندن اعتباراً هر ضابطه یکی سالنامه نومروسی تخصیص ایدلشدور . بعدما اشبو نومرولر استعمال ایدیله جکدر .

سجل نومروسی : هر ضابطک معاملات و قیودات سابقه سنده اساس اولان اشبو نومرو دخی وضع ایدلش اولوب ضابطانک معاملاتنده سهولت اولق اوزره قوللانیله جقدره .

تاریخ دخول : مکتب بحریه دن نشأت ایدنلرک حریبه صنفه ، چرخچی عملیات مکتبندن نشأت ایدنلرک شاگردان صنفه کچدکلی ، مکتب طیه دن نشأت ایدن اطبانک شهادتنامه آلمازدن دوت سنه و اجزاجیلرک اوج سنه مقدمه کی ، تجارت بحریه قیودان مکتبندن چیقانلرک هر هانکی بر رتبه ایله بحریه قبول اولدقلری ، سلیمیه کدکلی صنفندن و سیانلقدن یتیشنلرک نفر اولدقلری ، خارجدن بامتحان دخول ایدنلرک هر هانکی بر رتبه ایله دخول ایتدکلی ، سفانندن یتیشنلرک عسکره کیردکلی تاریخدر .

اوج یوز اوتوز ایکی سنه سندن اعتباراً نشأت ایدن مکتب بحریه ویا چرخچی طلبه سنک ، کدکلی ضابط نامزد مکتبندن نشأت ایدنلرک تقاعد حسابنده کی تاریخ دخول ، دکزه چیقان تعلیم سفینه سنه کچدکلی تاریخدن باشلار . [\*]

نشأت : مکتب بحریه دن مهندسلسکله و چرخچی عملیات مکتبندن ملازم اوللسکله چیقانلرک چیقدقلری ، اطبا و اجزاجیلرک هر هانکی بر رتبه ایله مکتبندن چیقدقلری تاریخدر .

تاریخ ترفیع : بو تاریخ ضابطانک رتبه حاضره لرینه ترفیعلری تاریخدر . ترفیع قدملری تاریخ ترفیعدن معتبردر . و سالنامه نک صره ترتیبی بو تاریخه کوره در .

[\*] تعلیم سفینه سنه ویرلدکلی ویا تعلیم سفینه سی دکزه چیقما دینی تقدیرده مبدأ دخول ، معین اولان مکتب تدریساتک تاریخ اکلاندن معتبردر :

## تصحیحات

: جدول کرده کندی حقلرنده خطایه تصادف ایدن ضابطان وکالت جلیلهیه  
مفصل و موضح بر ورقة تصحیحیه کوندره جکدر .

۳۳۴ سنه سی : حکومتجه اوتهدنبرو استعمال ایدلمکده اولان رومی سنه ترک و افرنجی

سنه قبول ایدلمش و بو سببله اولجه هر سنه مارت آینک برنجی کونی  
سنه باشی عد و اعتبار اولونمقدلیکن افرنجی سنه قبول ایدلمکده کانون ثانی

آینک برنجی کونی سنه باشی اعتبار اولونمش و ۳۳۴ سنه سنک ابتداسی

۳۳۳ سنه سی کانون ثانی آینک برنجی کونندن باشلامش اولدیغندن ۳۳۳

سنه سی ایکی آی تقضان اولهرق یعنی اون آیده ختام بولمشدر . بناء علیه

سالنامه ده کی « رتبه حاضره سنه تاریخ ترفیعی » جدولنده کوسستریلن

تاریخله ۳۳۳ سنه سی کانون اولی غایه سنه قدر رومی سنه یه و آندن

صوکره سی ده افرنجی سنه یه کوره ترتیب ایداشمدر . و بو صورقه کرک

تقاعد و کرک ترفیع قدملرینک حسابنده ۳۳۳ سنه سی اون آی

اولهرق حساب ایدیه جکدر .

۳۳۹ و ۳۴۰ فصلی ملازمک سالنامه ده کی صره ترتیباتی عمومی قورسده کی نتایج امتحانیله ری

درجانه کوره محرردر .

تجارت وکالته مربوط لیان دواترنده مستخدم امرا ، ضابطان و مأمورینک اسامیسی سالنامه نک

ذیلنده محرردر . مومی الهمک سالنامه نومرولری هم رتبه لری آراسنده کی قدملرینه کوره وضع

و تخریر اولونمشدر .

